

SAPIËTIS DOCTORI FRANCISCO DE Espinosa Bocanegra:

DOCTOR SIMON RAMOS SALVTEM
desiderat, & suæ Epistolæ, & Apologiæ
* responder. *



POLOGIAM tuam doctis-
simam de sanguine mittendo in
puerorum morbilis (sapiëntissi-
me Doctor) quam mihi cū Epis-
tola misisti, perlegi totam: &
quidem libenter. Nec me par-
tim ipsius longitudo, partim
meæ magnæ occupationes pro-
hibuerūt. Cæterum vt ex vngue

Leonem existimari fertur, sic ego ex primis folijs, in qui-
bus magno ingenio, magnam doctrinam locupletissimo
dicendi genere, & politioris medici conuenienti charac-
tere ornatam, præfers, de toto opere coniecturam feci.
Accuratè id scriptum est, & multa eruditione plenum, ti-
biq; de optima studiorum indole gratulor, quæ nihil ari-
dum, nihil ieiunum contineat, sed omnia copiosa, & exu-
berantia; ita vt multis etiam scitu dignis rescatis, & in
alium locum, in aliudq; scriptiōis genus reiectis, iusta, &
lègitima narratio relinqui posse videatur. Sed vt liberè te
cum

cum iure. amicitiaꝝ agam, in eo tuam æquitatem non nihil
desideraui, cum te nimis seuerum, & acerbum præuississe
visus sis in Doctorem Ioannem de Saavedra, virum om-
nium consensu sapientissimum, in hac causa, quam cog-
noscendam, & iudicandam amicorum rogatu suscepisti.
Sic enim in dubitatum apud omnes medicos supponis
neminem asserere posse, pueros salutem consequutos fuisse
sine sanguis missione apparentibus morbilis, atq; erup-
tionem ipsorum nunquam esse iudicatoriam, vt solum
Doctorem Ioannem de Saavedra testem, & Authorem
producas. De quo tuo dogmate, vt nominatim memorẽ,
& in id summatim non nihil disererem, ea maxima ratio-
ne hortata est, quod in epistola, quam nuper, non vt in lu-
cem prodiret, Doctori Ioanni de Saavedra scripsi, idem
argumentum cum obiter tractarem, sententiam à tua di-
uersam sequutus fuera, quam nunc tuis rationibus dam-
nare videri poteram, si tuum commentarium, in quo mi-
hi multa probantur sine vlla exceptione commendarem;
Itaq; fauendum putaui, vt earum quas sequutus sum ra-
tionum summam complecterer, & tibi meum iudicium
in vniuersum exquirenti in hac parte, proponerem, vt in-
telligas me non sine magna causa in illam opinionem dis-
cessisse, & hanc quæstionem, quæ à te perdoctè, perq; ele-
ganter contra nos disputatur, in Authoribus sapientissi-
mis, & iudicij acerrimi doctoribus à me visam fuisse.
Nec credas amplissime Doctor, alium me videri, obse-
qui Doctorem Ioannis de Saavedra, & congratulata eius
amicitiæ causa, & alium esse; cū nihil tam detestabile, at-
que ab animo meo magis alienum sit, quam alios videri
homines quam esse. Planè non erat nouacula nostræ co-
cotem istam scindere; satis me assequutum arbitrabar, si
mea argumenta compendiosè scripta solum doctori ami-
co Ioanni de Saavedra congrua viderentur. Non vt in lu-
cem prodiret, nec vt scuderentur curauit. Si enim meus hic
fuisse

fuiſſet animus, operam darem, vt id accuratè diligen-
ter fieret. Ad cætera enim mala quibus fama interpre-
tis eſt opportuna, accedit librariorū negligentia, qua
ſi quid peccatum fuerit, hoc quoq; plerumq; ſolent
obtreſtatores interpretibus aſſignare.

Sed cum poſt tuam acceptam epiſtolam hæc mul-
tum cogitaſſem, audacter, hilariq; animo hoc magnū
contra tuam opinionem agreſſus ſum iter; hanc qua
quam inſcripta ſpe, aut tenui noſtra labefcente indus-
tria, nec ab argumentorum tuorum acutic animi vi
contabefacta; nec me perterret, quod a paucis hucus-
q; hæc opinio ex inſtituto, aut ſubmethodi lege fue-
rit accepta, & pertractata: imo hoc quidem animum
impulit meum, vt onus hoc graue, & fortè vltra vires
meas libenter ſuſciperem, iocunde amplecterer. Nec
minus vt tanto Doctori Ioanni de Saavedra, cui non
minimum ob multa honeſta officia debeo, grati ani-
mi ſignificatione ſatisfaciam. Nec ad hæc omnia (in-
genuè teſtor) ambitio, aut nouitatis ventus, ſeu auræ
popularis indagandæ gratia, animum meum concita-
runt; ſed veritatis ſolū causa, quam omnibus laudi-
bus, ac diuitijs ſic anteponendam cenſeo, vt meritò
cum Galeno dicere poſſim; *Ego vero haud ſcio qua ra-
tione ab ipſa uſq; adoleſcentia, verificè, ſive inſpiratus, ſive
furore percitus, ſive quomodocumq; dixiſſe libet, &
vulgiſſimam contempſi, & veritatis, ſciētīq; ſtudio flagra-
ui, nullam eſſe hominibus nec honeſtiorē, nec diuiniorē
poſſeſſionem ratus.* Hanc igitur ſic diſcere, atq; docere
ſatago, vt poſt habitis cum docendi inuidia, tum diſ-
cendipudore, nunquam excidat bracteatim illud di-
uini Baſilij in epiſtola de vita in ſolitudine agenda, di-
centis; *Μανθανειν δε αν επεſχινδος, che di das chin, ane
πi xonos, cheiti paretera de redacti mi epi criptin, os per eſa-
ble ton ginecon, eta noza ipo balemine, ala chirifin en nomo-*

3. meihs



nos tōn patera tūlogu. Hoc est discere sine pudore, docere sine inuidia, & si quod ab alio doctū est non occultare, Sed ad rem veniamus, & exordiamur questionem.

Verum è indubium magnis concertationibus Hispalensium doctissimorum Medicorum.

Vtrum morbilis apparentibus sanguis in pueris mitti debeat.

IN qua quæstione assentiunt multi, negantium pauci reperiuntur. Sed vt referre excuser eorum partē qui affirmant, videat qui volet perotium, doctissimā apologiam doctoris Francisci de Figueroa, hisce diebus Hispano Sermone in lucem editam, in fine eius: in qua viginti Medici suismet nominibus firmatis, tanti Doctoris opinionem confirmant.

Sed vt clarè dilucidèq; procedamus in hac re, opere pretium iudicaui in duas hanc quæstionem refecare, & in vna quaque disputare, an hoc remedium in pueris sit vtile. Prima pars erit.

Vtrum expulsio morbilorum sit vt in plurimum critica, & in tali expulsionē sanguis sit mittendus.

SEcunda pars erit an hoc ita concesso quod aliquādo sit symptomatica, statim nulla interposita mora in ipso expulsionis impetu idem sit remedium faciendum.

Circa primam partem relictis multis (ne videar audacis)

dabatarum more aerem ferire, aut cum larui luctare) nostram admoveam á nemine hucusque negatam ex scriptoribus nostri temporis, quæ sequens est.

Expulsio morbilorum in pueris sepius est critica, & in illa nullo modo sanguis est mittendus. Lustremus nunc hanc conclusionem, & ad hoc faciendum, declarari necessario debet, quid significet crisis, & cotuplex inueniatur. Veteres imposuerunt hoc nomen, omnibus subitis euentibus, qui fiunt cum pugna. Sed cum hæc ad quatuor species pertineat, prima ad salutem, secunda ad interitum, tertia ad commutationem insignem in meliorem statum, quarta in deteriorem: Illa tantum quæ ad salutem attinet utpote quæ optima est, vocatur á Galeno crisis simpliciter, reliquæ vero tres non simpliciter, sed cum adiectione crises vocantur. Quæ ad interitum spectat, dicitur crisis mala, commutatio in meliorem statum crisis bona; sed imperfecta, in deteriorem crisis mala imperfecta.

Id autem commune est omnium, ut subito fiant, & cum pugna, sed simpliciter, & sine adiectione crisi appellat medici illam, quæ ad salutem spectat, uti ex Galeno diximus. De hac igitur crisi sola noster erit sermo, & primo naturam eius inuestigabimus, & singula, quæ concurrunt ad ipsam efficienda. Ea igitur quibus optima crisis continetur sunt tria, primo nempe, ut terminetur ad salutem, secundo, ut sit tuta, tertio ut sit fida. Constat ergo esse optimam quam salus consequitur. Hoc autem est primum quod ab optima crisi requiri diximus. Alterum, ut sit tuta, hoc est, quod periculo vacet. Nec habeat symptomata illa grauia, molesta, & periculosa, quæ solent tunc superuenire: veluti vigilia diuturnior somnus grauior, vertigo tenebrosa, splendor ante oculos, sonitus aurium, difficilis sensus, dolor capitis, & ceruicis, stomachi, & alterius partis,

partis, insatiabilis sitis, æstus intolerabilis, anxietas: sunt hæc signa crisis iam instantis, sed in interitum, aut in deteriorem tantum terminandæ.

taxaris
hæc.

Tertium, quod exigebamus erat, vt esset fida: hoc est, vt salus illa, quæ sequitur, stabilis maneat, nec reuertatur morbus, vt interdum solet, cum æger releuatus rursus ingrauescit. Sed nunc resipiscas, quæso, doctissime Doctor, dum ais sequentia. *Veluti suadet noster sanguis fugus, dum omnem morbilorum exitum crism esse affirmat, de quo statim. interea prædicta conturbatio, & accidentium saltem aliquorum congeries, tam intima est crisi, & eo usque necessaria ad crisis constitutionem, quod plures medicorum hanc solam ex tribus partibus integrantibus crism esse voluerint; nec immerito, cum crisis sit pugna quædam naturæ cum morbo.* Hæc ais cum reprehensione aduersarij. Sed statuamus optimam crism, quæ salutem affert sine periculo, ac sine metu ne morbus reuertatur. Medicus autem cum optima crisis fieri debet, instantem præuidet sine grauitate symptomatum præsentem, moxque terminandam esse ad salutem, & nuper factam, fidam, futuram, sine redditu morbi; nec spectat dum totum id tempus prætereat, vt sensu cunctaprehendat. Multa enim colligit cum cernit ea concurrere quæ ad optimam crism efficiendam necessaria sunt: Et quanto in nocte ante accessionem, accidentia minus grauias, & minus terribilia fuerint, tanto maiorem securitatem, & crism meliorem futuram iudicabit. Habent enim iudicatoria symptomata, non semper stabilem, ac firmam potestatem, non ergo in morbilorum exitu, vt perfecta fiat crisis conurbationes, & accidentium terribilium congeries, quæ tu antecedere necessariò ais reperiri debent, nisi cum morbus terminabitur in interitum. Nam quod commune est omnibus crisibus, vt subito fiant, & cum pugna; & om-
nium

nium optimam esse illam diximus quam salus perfecta consequitur: & hoc erat quod secundo loco exposcebamus, scilicet, ut fuisset tuta, hoc est, quod periculo careret. Euenit interdum, ut crisis quamuis ad salutem terminetur, non facile feratur, sed periculosa sit propter symptomata graua, ac molesta, quæ tunc superueniunt, & quanto plura, & grauiora fuerint, tanto deteriorem ipsam reddunt, & magis periculosam, quanto verò pauciora, & leuiora, tanto tutiorem. Lōge igitur tutior erit illa cum qua graua, & terribilia symptomata assignata non copulantur, & quæ facilius tolleratur; namq. si hoc ita non fuisset nullatenus perfecta crisis nominari poterat, cum aliquando in interitum propter graua accidentia terminaretur.

Opponis quoque alia nostræ doctrinæ in tua apologia, & quamuis æquo sponte currenti nihil opus sit calcaribus, at tamen mihi in defesso calcaria addis: timebo tamen ne senilis equus, ut ait Oratius.

Peccet ad extremum, & ilia ducat.

Quod iterum opponis est, quod non potest saluari perfecte crisis nisi subitanea sit, & breui tempore exercitata, id est, intra diem naturalem, vel paulo plus: addisquæ quartum diem, siue alium imparem ante septimū decretorium non esse, quia nec materia tam cito conquinari potuit, nec crisis antea indicatuum habuit. Quantum ad primum fateor ingenue ita futurum fore si perfectissima crisis euentura sit, & per septimanas facta: hoc enim insinuat Hippocrates in his verbis. *Nox ante accessionem grauis, quæ vero subsequitur leuior subsequitur.* Hoc verum est cum in die vere critico, & radicali euenerit, & quæ in his diebus bonæ crises contingunt, solum ad diem naturalem extenduntur, & notas habent indicatiuas. Eiusmodi sunt tres, septenarij, septi-

septimus, decimusquartus, & vigesimus, quilibet
 enim horum septenarius, suum habet indicem: septi-
 mus habet quartum decimus quartus vndecimum,
 vigesimus, decimum septimum. Et hi tres
 vere, & absolute critici, ac principes dici debent, &
 inter hos septimus principalior est. At si non per septi-
 manas iudicia fiant, sed propter materiæ tenuitatem,
 & benignitatem in tertio, aut quarto, aut quinto: tunc
 nec ita breuiter vno solo die iudicabitur morbus, nec
 indicatuum habebit. Quod vero tertius, quartus, &
 quintus sint indicatorij probabo. De quarto nulli du-
 bium est, omnium enim medicorum consensu est de-
 cretorius, vt videre est apud Hippocratem, & clarius
 apud Galenum, in his verbis. *Nunc vero à tertio incipit,*
qui anticipat quartum in breuioris temporis morbis, & post
hunc quintum scripsit, vno die quarto tardius veni esse, sic enim
in omnibus exemplaribus inuenies cum quartus dies in apho-
rismo nondum esset ascriptus, quamuis hic dies sit primus in-
dicatorius; verumtamen ipsum nunc prætermisit, vel ipse
Hippocrates, vel qui primus librum scripsit. Si vero omnino
Hippocrates illum præterijt: hanc ob causam ipsum existi-
mo illud fecisse, quoniam morbi plurimi peracuti, qui cum su-
dore iudicantur: tertio & quinto die magis quam quartum,
iudicium suscipiunt; rariores enim sunt qui die quarto iudi-
cantur. Hactenus Galenus, qui diem quartum, primū
decretorium scripsit, & ita illum decretorium facit,
& propter ipsum tertium, & quintum decretorium ap-
pellat: quia si tertio die & quinto iudicationes contin-
gunt, non ob aliam causam contigisse Galenus tradit,
nisi quia quarto diei propinqui sunt. Inquit enim cum
crisis quarto die futura est, & humor sua acutiè, ac mul-
titudine, vel mala qualitate naturam concitat, prope-
rat tur crisis. Properatur etiam propter benignitatem
& simplicitatem materiæ: illa male & in perniciem
sæpius

3. propos
 & lib. de
 morbis
 populari.
 & Gal.
 4. apho.
 16.

5

*ſæpius terminatur, hæc bene in ſalutem, vt ait Hipp. Simplicif-
ſime febres, & ſignis confirmate ſecuriſſimis 4. die, aut ſitius deſi-
nunt, deterrime vero, & ſignijs confirmata deterrimis 4. die, aut
ſitius interimunt. Veruntamen hanc controuerſiam apertius
dirimit ipſe Galenus, cum inquit; Huius rei gratia tertius, &
quiuſque meritis decernunt, non ex lunari circuitu decernendi poten-
tiam ſortiri, ſed quod ob violentam acceſſionem tertius criſim, quar-
to die futuram peruertit. Vult itaq; duplicem eſſe criſis naturā,
vnam quæ euenit ob radicem ſupernam, hoc eſt, ob lunæ mo-
tum; alteram, quæ ſequitur infernam, videlicet motum, &
agitationem humoris, prima conuenit omnibus ſeptanarijs,
ſecunda intercidentibus vocatis, puta 3. 5. & 9. in quibus ac-
cutorum morborum acceſſiones ſolent auenire. Fit autem
criſis in die quo humor ad acceſſionem mouetur, vt Galenus
docet; qui reddens rationem, cur ſudores tertiani quintani
ſeptimani, & nonani boni ſint: inquit, ob id bonos eſſe quo-
niam morbi peracuti primam ſtatim acceſſionem vhe-
mentiffimam habent & reliquas illi proportionales per diem ter-
tium, & addit; Dicimus enim quod in vehementioribus acceſſioni-
bus iudicia ſunt: Hæc Galenus: ſeptimus verò quoniam vtrum-
que principium ſequitur, ſcilicet ſupernum, & infernum; id
eo frequenter, & potentiſſimè iudicat, vt potè duplicem vim
iudicandi obtinens. Præterea diximus iudicationes quinto
die contingere, quia ea quæ futura erat in 4. criſis, non
potuit in ipſo propter imbecillitatem perficere: in 5. perficit,
& ſinit. Hæ enim quæ ita contingunt dicimus diem naturalem
prorrogare; cum inceperit natura in quarto, commouens cau-
ſam à nocte ante quartum, in quo futura erat.*

Ex quibus licet colligere, male te ſcripſiſſe, dum ais, quā-
cumq; criſim ultra diem naturalem non poſſe extendi, male
te etiam dixiſſe indicari ſemper criſim neceſſario debere. Nā
hæc duo ſolummodo in criſibus perfectis, & in die critico ra-
dicali inueniri licet.

Vtrumq; magis probatum inueniemus in Galeno, his ver-
bis; *Eſt tamen nullo indice prius hæc criſis ſubito contingat duos
attingens dies & duas hæc res: piens diſtingues, &c.* Et parum

3. de die
bus de-
cre. 8.

3. de cri-
ſibus 4.
& 4. af-
fu. 36.

1. de die
bus de-
cretorijs
in 8.

infra, in fine; *Interim vero non duos modo, sed tres etiam dies iudicium attingit.* Euenit enim interdum, vt quamuis crisis diffiniatur subita mutatio, non tamen perficiatur vno, atq; eodē die, sed in duos trahatur, aut tres, & tunc videndum est, cui maxime tribuatur. Illi ergo maximè tribuenda est, in quo plura fuerint perspecta ex propositis à Galeno in citato loco contextu allégato.

Sed fortasse quispiam dubitabit adhuc de quarto die, cū Galenus sibi contradicat, qui testatur se die quarto, semel tantum crisin vidisse, Archigenem vero bis de raris autem euentibus medicina non iudicat.

Cui respondemus, Galenum, & Archigenem raro vidisse morbos in quarto die per crisin terminatos biliosos, secus autem sanguineos: nam biliosi vt diximus 3. vel 5. die, potius finiuntur quia in eisdem diebus accessiones suas habēt, cum quibus crises sæpe simul incidunt; vnde Galenus, & ante eum Archigenes hoc scientes notarunt, semel se, vel bis tantum vidisse morbos biliosos in quarto die terminari. Nam de sanguineis morbis, & sinachis, non potest esse dubium cū sufficienter probatum à nobis sit, morbillos criticè moueri ante septimum: ideo decreueramus coloplōnem addere huic primæ parti, cum in hoc consistat tota vis vt sanguis, hoc tempore non extrahatur. Sed videbor fortasse operepreium fecisse, si immoratus tantisper, & exactiori cura, & openfiori studio (vt licuerit per nostram imbecilitatem) amplius hoc probaberimus, nullatenus sanguinem mittendum fore: quod sic faciam.

1. aphor
20.

In diebus, in quibus spectatur iudicium, abstinendum est ab omni curatione: *Quæ enim iudicantur, & iudicata sunt integrè, nec mouere, nec nouare aliquid, siue medicamentis, siue aliter irritando, sed sinere.* Ergo nullo modo natura commouenda est, sed æger sola victus ratione secundum morbi genus, & alias conditiones regendus est, & quamuis aliqui per illud verbum, *mouere*, medicamentum intelligant expurgans: Oribarius, alijque quam plures interpretes per alterum verbū, *nouare*, intelligunt venæ sectionem, siue aliud quoduis medicamen-

eam naturam, nam volunt omnia naturæ dimittenda, cum plus sit quod ipsa facit, quàm quod ars, atque ita sinere oportet ipsam, & dimittere, & illam non infestare, necdum sit iudicatio, nec postquam perfecta facta est: Scire autem, ait Oribasius, oportet dum actu sit iudicium, etsi imperfectum esse videatur, nihil agendum, nam quandoq; iudicii principium imperfectum videtur, sed postea in processu natura perfecte agit. At facto iudicio si imperfectum fit; tunc naturam adiuvare debemus, & per illam regionem per quam ducere cepit, sed imperfectè, nos perfecte ducere.

Certum etiam est noluisse Galenum, naturam evaquante, nos quoque vaquare posse, ut ex ipso commentario constat: Vbi igitur iam imperfecti plane est crisis, omnia tunc naturæ permittere, nec nos quidquam movere oportet, ubi vero imperfecta est, id quod deest, addere oportet. Sed quis imperfectam vaquationem criticam dicet, natura adhuc vaquante, ante quam eam desisse viderit. Ergo in morbilis dum natura iudicat, & ad cutim detrudit iudicatoriè, siue perfecte, siue imperfectè iudicet, sanguis mittendus non est, nisi cum iudicationes peractæ sint. Hoc voluit insinuare Avicenna cum inquit; Si natura non movet, moue tu hora motus eius: non quod in ipsa hora moueas, sed cum tempus iudicationis pertransiuit, & non amplius iudicat, quare Avicenna legendus est sic si natura non movet hora motus eius moue tu. Quæ enim ante id tempus aguntur potius, naturam distrahent quam persanent. Præterquam quod nunquam fere sunt imperfectè morbilorum iudicationes, nec diminutæ: cum omnia quæ ad crisin bonam requiruntur, in hac reperiantur. Sunt autem quatuor, qualitas laudabilis, quantitas sufficiens, tempus opportunum, & excernendi modus naturæ familiaris. Primo qualitas humoris, qui excernitur laudabilis erit, si peccans, & coctus vaquatur: tunc enim Talia purgantur qualia purgari oportet. Secundo, quantitas erit sufficiens, si totus humor, & non per partes expellatur; Quæ enim relinquuntur in morbis recidivas facere consuevit. Tertio requiruntur tempus, id est, dies criticis, quæcumque enim diebus non critus contingunt, suspectè sunt, sunt enim veluti arbitri, & disceptationum iudices inter naturam, & morbum,

iuxta interpretationem Gulielmi Platinij.

vocantur ab Hippoc. *facundi*, vltima conditio erat, modus naturæ familiaris, hoc est, quod confertim fiat, non sensim, & paulatim: debet etiam fieri per loca conferentia, & legi naturæ commoda. Nihil horum deficit in morbilis criticæ ad cutim detrusis: non ergo erit imperfecta, & diminuta illorum expulsio, & consequenter nullo modo sanguis mittendus. Quare si critica est vti probauimus abunde: in statu morbi fit cum vigent coctiones, sed status tempore urgente coctione abstinendum est à sanguinis missione, ergo nullo modo conueniet, & ratio huius est, quia natura coctione impuros, noxiosque humores à purioribus secernit hos vt cōseruet illos vt foras per crism deturbet: at venæ sectio nullo delectu omnes qui in venis sunt, promiscuè & in discriminatim perlelectat, & non noxios solum, sed pariter viles eliciet, quodq; grauius est eos qui vi naturæ secreti sunt, puro & optimo sanguini: ex agitatione permiscebit, hunc inquinabit omnia cōfunder, naturæq; molitionem optimam interpellabit, non ergo sanguis mittendus. Hucusque de prima parte.

Exposui qua potui diligentia, quæ de crisibus morbilorum negabas, & sanguinem in illis non esse mittendum, apertè declarauit, & veritatem hanc à te (amplissime doctor) satis refutatam, à mancipio, & captiuitate & à tenebris in lucem cōferre pro meo possè conatus sum, & in suam dignitatem restitui. Tot ergo primæ quæstionis, & huius hydræ capitibus amputatis, alia subinde nascitur, & pullulat difficultas diuersa, quæ sequens est.

An liceat in morbilis symptomaticè exeuntibus sanguinem mittere.

AD quam transitum nostra facit oratio: *Ingenue*, vt Titii Linij verba detorqueam: *Illud mihi accidisse fateor, quod ijs qui proximi littori vadij induti mari pedibus ingrediuntur: quid quid enim progredior in vastiorem me altitudinem inuehi video, et crescere pene opus quod prima quæque perficiendo minui videbatur.* Sed pergā nihilominus, nec terga vertam, & annuente Deo, quod restat iter, & paucis antea pedibus tritum conficiam, & primum argumentum pro contrariorum parte erit. Metho
ni

nis historia, quā probatur vaquationes symptomaticas fore iuuandas, & inde cōsequenter in morbilis tarde & lentē symptomaticē exeuntibus sanguinis missionem iuuamentū afferre. Methonem enim adducit Hippoc. quem sanguine enaribus fluente, capitis lotionibus iuuat: & Galenus confirmat cū dicit, *Deinde peruigilauit, delirauit, nugatus est, huius te presentissimum remedium docuit capitis lotionem. Dixit enim in lib. de ratione victus in morbis acutis, caput non lauandum esse ijs quibus enaribus erumpit sanguis, nisi minus in se fluant: nūc autem erat in se minus, siquidem perpetuabat vigilias, & deliria.* Et ratio est in proprio; nam quemadmodū si immodica vaquatio fuerit, ipsum medicum operare necesse est, nonnunquā euacuationis redundantiam suprimētē, sic etiam ad eius defectum excitandum aliquid facere oportebit. Adde fuisse Galeni consilium, vt stilante ē naribus sanguine, secari vena debeat. Quæ testimonia tuam confirmare opinionem videntur, Doctor amplissime.

Secundo sic arguo, in febribus putridis curandis præceptum vniuersale, & saluberrimum est, sanguinem mittere; ergo conuenientius erit hoc facere si sanguis præcipuē peccet: hoc morbilis symptomaticē exeuntibus inuenitur: ergo sanguis erit mittendus.

Confirmatur idem, & probatur amplius, nam omnis morbus magnus viribus consensientibus sanguinis missionem postulat, sed febris morbilorum symptomaticē exeuntium, morbus est magnus, consentiuntque vires: ergo sanguis erit mittendus. Sino alia argumenta, quæ à vobis, vsq̃, ad nauseā adducta fuere. Fortiora sunt ista.

Sed his non obstantibus nostra assertio omnimodo est contraria cum tutius existimemus, naturę motus finem spectare potius, quam tentare sanguinem mittere. Et ratio huius est, quia euacuante natura, nos quoq̃, vaquare non licet. Eam enim huius motus partem, quæ symptomatica est, ē contrariorum etiam testimonio bonam impediremus & distrahere, & cum seminaria morbilorum latissimē diffusa sint, & vndequaq̃, dispersa, non solum sanguine detractō non iuuatur

post semi-
nariorū
dispersionem no-
cet venæ
sectio dū
dispergū-
tur

tur puer, propter insitam vaquationem iam fortasse sufficien-
te vaquatus, sed impensè etiam (propter eam quæ in humo-
ribus fit agitatio) læditur, permiscuntur seminaria putredo
& ad corporis interna (quod vnicè in his casibus cauendum
est, humores infecti perducuntur. Et licet concedamus quod
plethora possit addeſſe aliqua: tamen ad motū naturæ est ani-
mus adhibendus, quo perseverante non est ultro alia facien-
da vaquatio, & eiusdè considerationibus erit nobis utendū,
quos indefectuosa crisi morbilorū adduximus supra, & po-
test cōtingere, quod natura tantū expellat, & foras detrudat,
quantū necessitati erit satisfactū. Quare tutius erit semper
naturæ motum spectare, ut finiatur.

I. meth.
fol. 251

In cuius veritatis confirmationē videantur verb doctissimi
mi Vallesij agens de euacuationibus symptomaticis: Quod si
multæ, variæque considerationes te reddiderint consilij inopem, tan-
tiisper sine, nec iuvans, nec prohibens, donec conferentia, ac toleran-
tie notæ se incipiant exhibere. Oportet autem te nunc velut in re du-
bis esse diligentem, atque ægrotum visitare, & notas omnes bonæ,
aut malæ tolerantia animadvertere. At si aliquid agere volueris
in his expulsionibus nihil aliud erit nisi cucurbitulas applica-
re: illæ enim motū ad cutim maximè iuvant, & ob id mirabi-
liter profunt, quia pertractis seminarijs ad cutim & inhalitū
digestis, experimento videamus ægros quiescere & melius
habere. Et hoc præcipuè observare conveniet, si fortasse cog-
novimus per contagium morbum fuisse adquisitū, nam in
hoc casu detestabilius esset sanguinē detrahère, nam cum se-
minaria contagionis intrinsecus non fiant, sed extrinsecus ve-
niāt, siue per infirmi cōmunicationē, & fomitatē relictū, vel
altercūque cuti aglutinentur & hæreant; facta sanguinis mis-
sione trahentur seminaria: ex exterioribus ad interiora, & for-
tasse deficiente plenitudine: tunc enim peior multo erit san-
guinis missio.

Finiamus iam hanc conclusionem, & finamus illam com-
probatam, Ioannis Siluatici testimonio, qui (de symptomati-
cis exantematibus agens in febre pestilenti) hæc ait: In febribus
igitur

igitur pestilentis appellata initio, exanthemata si effluerint, naturæ ipsius motum spectabimus, eoque perseverante nihil omnino agemus, ubi cessauerit si satis vaquatum non fuerit, pro eo quod ab initio vaquandum erat defectui supplebimus. Quid plura.

Reuertamur nunc ad soluenda argumenta ad historiam Metonis dicimus Hippocratem non eo tantum consilio Metoni caput lauisse, ut lente fluentem sanguinem duceret, ut Galenus in commentario cripsit, sed ut simul delirio, ac vigilijs virtutem prostermentibus occurreret. Nec timuit posse capitis lotionem symptomaticè fluentem sanguinem magis concitare, iuuamentum sperans futurum maius nocumento. Præcognovit enim Metonis vires esse adeo validas, ut sine multa iactura posset eam vaquationem tolerare, attendens semper utilitatem maiorem in medendo peruigilio & somno conciliando.

Ad secundum respondo, quod quando Galenus in febribus putridis saluberrimum remediū dixit esse sanguinis missionem: simpliciter, absolutèque non esse intelligendum, sed quibusdam conditionibus præsentibus. Nam quæ statim adiecta est causa, propter quam in putridis febribus saluberrimum sit sanguinem mittere vniuersalem non esse propositio nem declarat: *Leuata namque*, ait, *quæ corpus nostrum regit natura, exonerataque eo quo veluti sarcina premitur, haud ægre quod reliquum est vincet.* Quibus verbis sanguinis multitudinem naturam prementis & onerantis causa: secundā esse in putridis febribus venam manifestè ostendit. In omnibus igitur putridis febribus sanguinis multitudinem habentibus, secunda vena vaquandum esse, Galenus voluit: ut ex ipso constat, medicorū consuetudinem reprehendente & dampnante, qui febrientibus omnibus sanguinem ab initio mittebant. Quamobrem si vaquare in animo est vna plenitudo indicat missionem sanguis, cum qua sæpe adest morbi magnitudo, aut præsens, aut futura: non autem conuenit ratione febris, quia illius indicatum est alteratio facta refrigerantibus: non ratione putredinis, quia remedium illius est euacuatio, non ratione obstructionis, quia quod ab hac indicatur est apertio: & utrumque dixit

dixit Galenus sanguinis missione non curari. Sed ut ad nostrum institutum de morbilis descendamus, erit sanguinis missio in illis proficiens si à sanguine & non à bile ortum habuerint: cau-
santur enim plerumque à bile, ut bene satis probatum est à Doctore Ioanne de Saavedra, si autem aliquando à tenuiori sanguine & propter ea vaquatio illius postuletur. Dicimusq; hoc ita faciendum foret si non adesset aliquid, quod impe-
diret: impediunt vero illæ ad cutim efflorescentiæ: nam cum naturæ motus quidam sit, maximam in euacuationibus fa-
ciendis earum esse habendam rationem ex ijs constat, quæ su-
pra abunde docuimus: hoc fuit naturæ motum spectare, quo finito poterit exerceri.

Ad tertium fere idem respondeo, nam si motum naturæ non spectaremus, sanguinem mittendum fore nullus, excepto Erasistrato negabit: Cū videlicet morbus sit magnus morbi-
lorum febris, & adiuncta quandoque habeat sanguinis abun-
dantiam. At in ipso motu quando seminaria latissimè diffun-
dit natura, & vndique dispergit, nullo modo conuenire abun-
de satis probauimus.

Huic operi vltimam manum imposuimus, & tuæ correctio-
ni, sapientumque subiectum esse volumus, equidem ad eas
causas quas tui cognoscendi desiderabam, hanc quoque quod
ad me tuas litteras misisses accessisse letor, quare, etiam si tuis
decretis opponor, semper me tuæ laudis fautorem, tuiq; amā-

tissimum cognosces, reliquum igitur est, ut aliqua detur
occafio, qua meus animus erga te ut
maxime cupio illustror
appareat.

V A L E.